

«Մխիթար Սեբաստացի» կրթահամալիր, 2019թ.

Չորրորդ դասարանցիների տարեվերջյան ստուգատեսը մայրենիից

Նախագիծ

Իրավական հիմքերը

1. Հանրակրթության պետական չափորոշով՝ տարրական կրթության ծրագրի «Հայոց լեզու» ուսումնական բնագավառի նպատակաուղղվածությունը.

մայրենի լեզվով՝ բանավոր և գրավոր խոսքի միջոցով սեփական մտքերը, հույզերն արտահայտելու, մարդկանց հետ հաղորդակցվելու, շրջապատող աշխարհը և մարդկանց հասկանալու, բնության, հասարակության և մարդու մասին գիտելիքներ ստանալու, հայերենով ստեղծված գրական-գեղարվեստական ստեղծագործություններին հաղորդակից դառնալու, սեփական ստեղծագործական ունակությունները դրսևորելու և զարգացնելու նախնական գիտելիքների, կարողությունների և հմտությունների ձևավորմանը:

2. Կրթահամալիրում գործող մայրենի լեզվի ծրագրով որոշված խնդիրները.
 - գրավոր ու բանավոր ճիշտ խոսքի և հստակ արտահայտման անհրաժեշտ հմտությունների մշակում.
 - սովորողի խոսքային ինքնարտահայտման պահանջմունքի պահպանում ու զորացում. մեդիահամտությունների անընդհատ զարգացման միջոցով խոսքի, ստեղծագործական մտահղացումների հրապարակայնացում, հանրայնացում (բլոգի, կայքի, սոցցանցի և վիրտուալ այլ միջոցներով).
 - վերլուծական ու նկարագրական հմտությունների, ստեղծագործական, քննադատական մտածողության զարգացում.
 - լեզվաբանական գիտելիքների յուրացման և լեզվական նյութի միջոցով՝ սովորողների ընդհանուր կրթական հայացքների շրջանակի ընդարձակում.
 - համացանցային տեղեկատվական դաշտում կողմնորոշվելու կարողություն, բառարաններից և տեղեկատու աղբյուրներից օգտվելու հմտության զարգացում:

Բովանդակությունը

Ստուգատեսն ուղղված կլինի սովորողի հետևյալ կարողությունների և հմտությունների ներկայացմանը.

- բանավոր խոսքի արտահայտման անհրաժեշտ հմտություններ
- գրավոր խոսքի արտահայտման անհրաժեշտ հմտություններ
- S2S միջոցների և համացանցի գործածման հմտություններ
- բլոգավարական հմտություններ

Կազմակերպումը.

1. Սովորողը ստուգատեսի գալիս է իր համակարգչով: Ստուգատեսն ընթանում է ճամբարային աշխատակարգով՝ իր մեջ ներառելով հետևյալ փուլերը.

- *քանակոր խոսք, բլոգավարության ներկայացում*

Պրոյեկտոր ունեցող սրահում սովորողը ներկայացնում է իր բլոգը, պատմում իր բլոգի, բլոգով աշխատելու իր փորձի մասին: Սովորողը ներկայացնում է իր կարծիքով իր ամենահաջողված նախագիծը:

- *գրավոր խոսք, ընթերցած նյութի ընկալում (google-ի ձևաթղթով աշխատանք)*

Ձևաթղթի բովանդակությունը.

Անուն-ազգանուն, դասարան

Բլոգի հասցե (հղում)

Առակի ընթերցում և հարցերին պատասխանել

Մտքերը գրավոր շարադրել՝ ընտրելով տրված վերնագրերից մեկը (նկարագրական և երևակայության գործածմանն ուղղված վերնագրեր).

- *օրվա լուսաբանում՝*

պատում

տեսապատում

հարցազրույց

Սովորողը նյութը հրապարակում է իր բլոգում մինչև ուսումնական օրվա վերջը:

2. Սովորողն իր բլոգում բացում է մայրենիի ստուգատեսի էջ, որտեղ տեղադրվում են այդ օրը արված աշխատանքները:

Կազմակերպմանն ուղղված պահանջներ

Սովորողների բլոգների ներկայացումը տեսագրվում է: Տեսանյութը հրապարակվում է youtube-ում, ենթակայքում, հետո նաև սովորողների բլոգներում՝ ստուգատեսի էջում:

Սովորողի բլոգի ստուգատեսի էջում հրապարակվում են նաև՝ google-ի ձևաթղթով աշխատանքը, օրվա իր լուսաբանումը՝ պատումը, տեսանյութը, ձայնագրությունը: